

DJERID I SOUFIE

Fonde en 1090

Organe Turc Fanislamlqne

Directeur Proprietaire.

HASAN KIAZIM

No. 116, le 9 (2 Novembre 1915

Adresse. Avenue de la S. Porte

Rue Eb us sonoud



شمديك اون بش كونده برنشر اولنور

صاحب امتياز ومدير مسئول حسن كاظم

تاريخ تأسيسی ۱۳۲۷ سنه هجري

ملت اسلاميه — امت عثمانيه ايجون ميند اولان آثاره
صحيفه لر سز آيقتدر درج ايدليان اوراق اعاده ايدلر

استانبولده باب عالي جوارنده ابوالمود جاده سنده
نجم استقبال مطيعه سنده اداره خانه سز اصحاب
مراجعه هرساعت آيقتدر

سنه لك اعتباريله ممالك شاهانه ايجون پشين
اوله رق ۴۰ التي المني ۲۵ غروش وممالك
اجنيه ايجون ۱۲ فرانكدر .

تلفون نومروسي : ۱۰۹۷

نسخه سي . ۴ پاره در

تصوفي ، ديني ، اخلاقي ادبي ، سياسي جريده اسلاميه در

نومرو ۱۱۶

شيخ اكبر حضر تالرينك تحفة السفره نام اثر لرندن

اقسام معرفت حقنده

اهل تصوف عندنده معرفت ايكي قسمدر . قسم اول معرفت
عوامدر كه استدلال ايله حصوله كير و (علم يقين) تسميه اولنور .
قسم ثاني معرفت خواصدر كه بوده ايكي نوع اوزر در . نوع اول
شهود واسطه سيله حاصل اولور و (عين اليقين) ايله تمير ايديلور .
نوع ثاني (معرفت حق اليقين) در كه مشاهدۀ عينيّه ايله روحلره
حاصل اولان معرفت عاليه در .

معرفت بواوچنجه مرتبه سي قلبك كدورات نفسانيه دن سلامتي
و تعلقات بدنيه دن تجردى والحاصل بشريته عائد اوصافدن اصطفا سي
حاصلرنده نصيب اولور .

روحك بويله بر مشاهدۀ عينيّه نائليقي (معرفت الله) . منتجي
اولور . [جو عوا بطونكم واعروا ظهوركم لملككم ترون ربكم بقلوبكم]
حديث شريفى بومقامه اشارتدر . مال حديث (قارنكزى طولدرميك
و آلايشدن تجرد ايدك تا كه قلبكز رؤيت رحمانه قابليت كسب ايتسون)
دن عبارتدر .

معرفتك اوج درجه سي اولان علم يقين عين يقين و حق يقينك
فرقلى ايجون بعضارى شويله جه تعبير ايتشلردر :

علم يقين ؛ طريق استدلال ايله عين يقين ، طريق كشف ايله
حق اليقين جانب حقندن جذبه وصالك ورودى اوزررينه ، روحك
ماسودان يعنى عناصر وجوديه دن انفصالك تحققي ايله اولور .

علم يقين اسرار الهيده مودوع اولان علمدر . علم يقين علم قطعى
ديمكدر . بونك مادونى اولان علم ظنى در . عين اليقين قابل اشارت
اولان علمدر حق اليقين ايسه كندوسيله عالمك متحقق اولدني علمدر كه
انكله مرئيات ومحسوسات مشاهده اولنديني كي غيوب دنخي مشاهده
ايديلور . غيب اوزررينه صدق ايله حكم ايتك يعنى غائبدن خبر ويرمك

معرفتك ذروه اعلا سي اولان حق اليقين درجه سنه صاعد اولش كليته
خاص برمرزيت روحانيه در كه بوده قبل وهابدن انبياء و اوليائى خاص
الخاصه بخش ايدلش بر پايۀ قدسي وايددر .

بعضلك قولنه كوره حصول يقينده بش مرتبه اعتبار ايدلشدر كه
اسم ، رسم ، علم ، عين و حققدر . اسم ايله رسم عوام ايجوندر .
علم ايله عين ايسه اولياء الله مخصوصدر . حق دنخي انبيائى كرامه
موهوب بر مقام صدق و صفادر .

عندالصوفيه مقام ايله حالك فرقى شودر كه (حال) ، مستقر اوليوب
زوال بولان شيدر . (مقام) ايسه شاننده استقرار اولان معنادر . بعضاً
بر شى حال ايكن مقام اولور . شو تميره كوره مقام ؛ بر حال مستقر
ديك اولور . مثلاً : بعض كره عبدك باطنندن محاسبه داعيه سي اويانور
بعده صفات نفسانيه سي غلبه ايدرك بو داعيه كندندن زائل اولور .
صوكره يته عودت ايدر و تكرار زوال بولور . والحاصل قبل رحانيدن
معرفت الله ورودينه قدر عبد مزبور دن محاسبه حالى زائل اولماز
بناء عليه بوتحوالات مقتضائى (حال) اولوب بونلك نتيجه غير متبدله سي
اولان محاسبه امرى دنخي (مقام) اولور .

ايسته مقام سالكك قبض وبسط مقاميدر كي موسى محبت خاصه
حالك ابتدا سنده اولور . حالبو كه محبت عامه مقامنده اولان سالك ايجون
قبض وبسط اوليوب يالكز (خوف ورجا) وارددر .

قبض كيفيتى نفسك تحكم و غلبه سي حالنده وقوع بولور . بسط
ايسه صفائى قلبك ظهور و غلبه سي هتكامنده اولور . كنديسندن
قبض وبسط فارغ اولان سالكك نفسى آرق (مطمئن) دينلور .
ايسته بونفسي مطمئنه در كه معرفت الهيه ؛ (حق اليقين) ايله يقين ايتك
مظهرينه كسب استحقات ايدر .

فاتح : م . نوري